


## Циняв миллатру Аллагънал хъхъичІ архІалссар

Аллагъу Тааьланал дунияллий цалчин ляхъан бувну бур Адам идавс ﷺ ва ХІава. Гайннаяту бивзун бур бур личи-личісса миллатру. Дунияллий дур 250-нния лирчусса хІукуматру, яхъанай бур 7 миллиардраяр ххисса инсантал, мукунма буссар тІар 3000-нния ливчусса миллатру. Адам идавсия ﷺ ва мунал кулпатрая ляхъун бунугу, дунияллийсса халкъуннал дянив дур чІярусса личи-личішивурду.

Бур чІявусса миллатру, личи-личісса халкъуннал журадду, бур мискинсса ва аваданссагу, ялагу цайми-цаймигу личішивурду. Аллагънал ﷻ инсантал личі-личісса миллатру, личісса лацинтру дусса баву, ми куннашал-ку биллан, талан бувну бакъар. Къуръанна-луву Аллагъу Тааьла тІий ур (мяьна): «Я инсантал! На зу ку араманталну, кугу хъамину ляхъан бав, мукунма личі-личісса миллатру бував, так зу куннан ку кІулуни бикІаншиврул, цума цурув ва ци миллатравассарув, мунийну зу ххал баншиврул, аммарив зуву яла хъинми яла Аллагъная ﷻ ниғба бусаймири», – куну. ЦІана дунияллий дур чІярусса питнар-



ду, бур дяьвирдугу чІявусса кІанттурдай. Мукунсса ишру хъхъичІавагу бакъа бакъахъунссия, аммарив гай хъхъичІавасса дяьвирду, ттул пикрилий, цамур журалул бухъунссия. ЦІванни учирча: къадиркунтІий хъхъичІара халкъунначІа цІана куннасса телевизорду, интернетру, сотовый телефонну ва мукунна цайми-цаймигу инсантурал авкълу, духІин даххана дайсса ярагъру. КъатІайламургу тІайлашиврий ккаккан буллай цІана бур вай ярагъ ишла буллай, инсантал баккан буллай. ЦІа-цІарай хІукуматру дур, цивпару яла тІайлами тІий, цайми миллатирдайн дяьвирду буллай бувккун.

ЛАЖ. 3

### МУБАРАКССА БАРЗРУ

#### Раджаб зурул

#### ХЪИНШИВУРТТУ

КЪУШИХЪАЛ ШАГЪАБУТТИН

ГЪУНЧІУКЪАТИРАЛ ИМАМ

Раджаб хъанахъиссар мусульманнал календарьданул арулчинмур барз. Му зурул цІа хъуссар «аль-ружуб» тІисса мукъяту. Мунил мяьнагу «хъуншиву», «хъун баву» хъанахъиссар. Мунил хІакъираву Къуръандалулу увкуну буссар (мяьна): «Мяйжаннугу, ЛавхІул МахІфузрай чивчусса аціния кІива зурувасса мукъва барз буссар дяьви бан къабучіисса: зультъаада, зультъаажжа, мухІаррам ва раджаб. Му тІайласса ххуллури, Ибрагъимлул ﷺ ва Исмаиллул ﷺ ххуллури, минная зунмагу лахъхъияра. Вай зурдардий бунагъру буллай зуйва зува зулму мабулларди, цанчирча вай зурдардиву бувсса бунагъру цамур чІумал бувмунияр кІуссар» (сура Ат-Тавба, 36 аят).

ЛАЖ. 6

### ЮБИЛЕЙ

## 500-мур номердануштал барча баву

*Гъашину апрель зуруй бувккунни оьрус мазрайсса «Ас-саламрал» 500-мур номер. Хъуннасса дакъанугу, му хъанай дур юбилейгу, кказитрал ялув цалчинмур номердания шинмай зий бивкІминнал даврин къимат бищунсса сававгу. ЖучІан бувкІунни Дагъусттаннайсса ва республикалул къатІувсса жяматийсса, динийсса ва сиясийсса зузалтрал барча баврил чагъарду.*

ДР-лул печатърал ва информациялул министрстволул чулуха барча буван ччай ура «Ас-саламрал» зузалт 500-мур номер буккавриштал. Ва кказитрал бутълай бур лайкъсса къану республикалий буккан буллалисса кказитирттал ххуттаву. Ва хъанай бур хъхъичІунсса диндалул кказит.

ХІакъинусса кыни, аьркинну дур дачин дуван тІайлану диндалия бусаврил даву. Цанчирча, цаппара дунияллул СМІ-лул оьчулий ккаккан дуллай дунутІий Ислам – дакъаврил ва паракъатшиврул дин. Диндалия бусласисса СМІ-лулли бутълагъисса агъаммур кІану экстремизмрал ва террорданул идеология жунна лайкъ дакъасса душиву ва личі-личісса диндалул инсантал бавкъуну оьрму бутлан бюхъайшиву бувчин бавриву.

Диндалул СМІ-лулу зузисса журналистураштал хъуна бавкъусса чІумал, Рамазан АьбуллатІиповлул увкуну: «Хъа-



ма мабитари зува журналистал бакъасса, насихІатчитал ва тарбиячитал бушиву. Му хъуннасса жаваблувшивури. ХІакъину жунма аьркинну бур ккаккан дуллан Дагъусттаннай хъанахъиссар ххуйчулиннайсса дахханашивуртту. Жыва циняв зузиссару жула умматрал цІаний», – увкуну Рамазан ХІажимурадовичлул. «Ас-салам» кказит жулва мил-

латирттал мазурдий итабакаврилгу хъун-масса бияла хъанахъиссар жула маданият ва аьдатру дуруччавриву.

Кказитраву бур диндалул масаларду, Дагъусттаннал ва Аьрасатнал мусульманнал багъу-бизу, диндалул ишккаккултрал пикрирду ва цаймигу агъамсса масаларду чанна лахъан бувну.

ЦІа тІий ура кказитрал зузалтран вания тихунмайгу тІайлабацІу ва жула цинявннал ватан – Дагъусттан гъаз дувансса каша.

**Азнаур Аджиев, Дагъусттан республикалул печатърал ва информациялул министр**

ЛАЖ. 4

### Чуртгациял Сайпуллагъул цІанийсса турнир



ЛАЖ. 2

### Малаиктурал тІабиат



ЛАЖ. 3

### Къавахърал мюнпат



ЛАЖ. 7



## Аьдатирттал хIакъиравусса батIаву

Уттигъанну Новостройрайсса ЦIуссалакрал шярваллил мизитраву хьунни райондалийсса имамтурал ва жамятрал вакилтурал батIаву. Шиккун бивкIун бия цала райондалиий ва шярраву барачатшиву, Аллагъ ﷻ рязишиву дикIаврий дакI цIуцIисса агъали.

Мажлис бачин бувну ия ЦIуссалакрал райондалул имам Давуд-хIажи Амиров. Шикку гъаз бувунни бивкIу хьусса къатлуву дувайсса аьдатирттал масала. ХIукму бувунни шанма гъантлува гъарза лавкуну, мийва, мукъцIалва, ххюцIаллий кIива, шин ва м.ц. шариаьтраву дакъасса къинирду дуллан къабучIишиву. Давуд-хIажинал бувсунни циняв имамтурал мушавара бувну, ца пикрилийн бивкIишиву, мукуссса аьдатру ттиния тухуннай къадуллан, имамталгу мукуссса кIанай къулгъу бован къазанантIишиву.

Мажлиспрайн бавтIминнал хIукму бувунни, хIатталлив инсан учлачисса

чIумал баян бован аьркиншиву, шанма гъантлий къулгъу-къуръангу бивкIуну, лакъинтIишиву. Мукунма, хIукму бувунни жижара бован бивкIисса агъали дукра дукан буххан къабувну, бюхълай бухьурча, кIюлаччатI ва нис ягу бакъухъ бавчIуну, мунийну гъашиву дуллан. «Гай дулла-лисса дукрардугу тIитIлатисса супрардугу садакъалун буллай буру тий бухьурчагу, мийжаннугусса гайннул мурадгу ниятту дикIай цайминнаяр махъун къабагъан, цичIав махъ къаучин. Мукуссса ниятрай бовсса садакъалуя ивкIуманан цукунчIавсса хайр къабиянтIиссар. БивкIу хьусса къатлувусса, ягу жижара бован нанисса хъаннил арамутрах вичIи дирхъуну, боваймур лайкъну бован аьркинссар», – увкунни Давуд-хIажинал. «Ва мажлиспрай бовсса хIукмулийн бувну, шанма гъантлуяр тухунмайсса къинирду дуллалисса кIанайн

имамталгу къулгъу буккин къазанантIиссар», – увкунни имамнал.

ИвкIуманал васият бухьурчагу, на ивкIукун мийва, мукъцIалва, шин дувара



тIисса, му васият биттур бован ихтияр дакъашиву бовсунни имамтурал.

ЦIуссалакрал шярваллил хьуначу МухIаммаджарин Оьмаровлул бовсун-

ни бутгал буттахъал заманнай мукуссса аьдатру къадиркIишиву. «Жула буттахъал ми аьдатру, хьунисса садакъарду ча банссия, букансса ччатIул касакрах зузисса чIумал», – увкунни ванал.

Чапаево шярваллил хьуначу Шалласуев МахIад-хIажинал аьй риршунни бивкIулий шябивкIисса чIумал аьркин бакъасса хаварду буслай, хьярчру буллай бацIайминнай. Циняв бавтIмий рязи хьунни, жижара бан бивкIмий гикку ссятирдай шякъабивкIун, жижарагу бувну, дуаь-аIхIамгу бивкIуну, лахъи къалавгун 5-10 минутIрава бивзун бачин аьркиншиву.

Му бакъассагу, хIукму бувунни гъарца шярраву мизитрал чIарав, ягу хIатгаллул чIарав бован аьркиншиву магъигу ларкъусса жижара бован батIайсса, шябикIайсса къатта. Шярраву бивкIу шайхту, гъарцаннан кIулну бикIаншиврул жижара бован чун гъан аьркинссарив.

ИСА ОЬМАРОВ

## ЧIурттациял Сайпуллагълул цIанийсса турнир

Март зурул 20-нийн Новостройрайсса ЦIуссачIурттациял шярраву хьунни гъарца шинал дувайсса волейболданул турнир. Ва турнирданун дирзун дур хьунасса аьлимчунал, ЧIурттациял шярватусса Халилов Сайпуллагълул цIа. Турнир хIадур дурну дия шярваллил жагъилтурал, ЦIуссалакрал райондалул ДЮСШ-лул ва Лакрал жагъилтурал обществолул.

Турнирданува гурттушинна дуруна ацIунния лирчусса командардал. Цалчинмур кIану бовгъуна ЦIуссалакрал райондалиясса Тюхчардал командалул, кIилчинмур кIану бовгъунни Гъамияциял волеболданий буккултурал, шамулчинсса кIану бовгъунни Лакрал райондалиясса ЧIурттациял спортсментурал.

Ххув хьуминнан дулунни грамотарду, кубокру ва арцуйнуса бахшишру. Турнирданий яла гужну уккайману ккалли увунни Гъамиящатусса

## «Ас-салам» кказитрал мажлис

Инсантурал оьрмулуву ххари хьунсса ишру чIавусса шайри. Мукун ххари хьунсса мажлис хьунни март зурул 19 нийн Махачкъалалив. Ва бия «Ас-салам» кказитрал 500-мур номер буккаврин хас бовсса мажлис.

Гиккун бавтIун бия щалагу Дагъусттаннайсса жяматирдал вакилтал. Къуръаннулур сурардугу бивкIуну мажлис байбивхъуна. Цалчин махъ лавхъуна «Ас-салам» кказитрал хьунама редактор Аьзиз Мичигишивлул. «Жула ва кказит итабакълай 22-ра шин хьуну дур куну, вайксса шиннардий итабавкъун бур 500 номер, кказитрал тираж ттуршазаруннийн биявай бур, ва ца Дагъусттаннай бакъасса щалагу Аьрасатнавухгу чичлай буссар, цуппагу арулва мазрай буклай бур. Амма вайннуву бакъар ва кказитрал ля-личIишиву. Ас-салам кказитрал личIишиву мури, ваниву буслай бакъассар инсантурал ня зия дувайсса хаварду, дахъва оьмур бакъа чIалачи буллайсса, аман жува цуксса оьккину я хъанай бурвав, цичIав ххуйсса лирчIун дакъар ва дуняллий тIисса хаварду. Ва кказитрал инсантуран буллалиссар умуд, вихшала ва дуняллийгу, ахиратравугу цуксса жува бунагъру гъарзасса бухьурчагу, Аллагънал ﷻ цIими хьунмасса бушиврия. Жува миннат булларча, Аллагънал ﷻ багъишла битайшиврий умуд буну бикIан аьркиншиврия. Циванни учирча, Аллагъу Тааьланал увкунутий: «Адам идавсил арсру циксса хьунисса бунагъирттащал бунугу, миннал тавба дуварча, На мий багъишлагу бовну ТгучIанма къамул бованна», – куну. Инсаннан мунийр хьунасса ххаришиву цамур ци дикIан бюхъайссар! Бургияра Аллагънал ﷻ цIимилул хьуншиву, жува Заннан ххирашиву».

Махъ лавхъуна Дагъусттаннай цIа дурксса аьлимчу Магъди-хIажи Абидовлулу. Ванал бовсуна Ибрагъим идавс ﷺ цIаравун увтусса чIумал, рахIму бакъасса Намрузлул, митгикъкъу бивкIун бур кIива-шанма кIунтIуксса щин лавсун най цIу лещан дуван, къюршалуриг бивкIун бур цакира тIун ларсун най цIарайн дичин. Пикри

бувара уссурвал ссурвал, жува щиха лахълай бусарув, га митгикъкъул буллайсса аьмал буллай бурувкъай ягу къюршалу кунма цIарайн тIама дичлай бурув. Ва дуняллий мудангу бивкIссар тIайлашиврийн, марцIшиврийн оьвтIисса инсантал, мукун къабивкIссания ва дунийл га заманнайра дакъа-къатIа хьуну, ливну ларгун



дикIантIиссия. МухIаммад идавсил ﷺ умматиннал вайми умматирдаяр личIишиву мури тIар, цалчин цувагу тIайлану имандалиий яхъанай, лагъаминнангу ххуймур хьинмур насихIат буслан. Цуксса жува бурув хIарачат буллай му дьаватраву, муксса Аллагъналгу ﷻ жула аьрщарайн дакъавугу паракъатшивугу дулайссар. Мунийту на циняв-нахъ тий ура жува сабаб хьуну ва «Ас-салам» кказитрал даву ванияргу ххуйну хъхичIуннай дачиншиврул хIарачат бовара тий».

Мукунма хьинсса махъру лавхъуна Махачкъалаливсса хьун мизитрал имамнал Идрис хIажи Асадуллаевлул, Дагъусттаннал муфтийнал хьиривчу МухIаммад хIажи МухIаммадовлул ва Магаданнал областрайсса «Ас-салам» кказитрал вакил Мурад Гъазиевлул.

Къамулсса мажлис хьуннав ва ганил барачат жуйнмагу бияннав. Амин!

ШАМИЛ ХIАЖИ ОЬМАРИЕВ



Турнир тIитIаврий гуртту хьуна ЦIуссачIурттациял имам Мансур-хIажи Хаваев, Сайпуллагълул арс Халилов Аьбдуллагъ, Дагъусттаннал Муфтиятрал зузала МухIаммад-хIажи Майранов, ЦIуссалакрал шярваллил имам ХIасан-хIажи МухIаммадов, шярваллил администрациялул бакIчи Юсуп Аьлиев, аьлимчунал наслулиясса агъали ва шаннагу лакрал районнаясса хъамал.

Гъазиев МухIаммад. Ххувшаву ласунсса хIарачатрахсса приз лавсунни ЧIурттащатусса Оьсманов Маликулул. Лакрал жагъилтурал обществолул вакил Хизриев АбуТалиблул булунни барчаллагърал чIагъарду ЦIуссачIурттациял имам Мансур-хIажинан ва турнир дуван хIарачат бовсса Каравалиев Закирдун.

ИСА ОЬМАРОВ

**Учредитель**  
Благотворительный фонд «Путь».  
Газета печатается по согласованию и одобрению Муфтията Республики Дагестан

**Редакционный совет**  
Председатель редакционного совета муфтий РД  
Ахмад хаджи АБДУЛАЕВ  
заместитель муфтия РД  
Махди хаджи МУТАИЛОВ

**Главный редактор**  
Азиз МИЧИГИШЕВ

**Редактор**  
Шамиль ОМАРИЕВ

**Заместитель редактора**  
Иса ОМАРОВ

**Канонический редактор**  
Давуд хаджи ТУМАЛАЕВ

**Менеджер**  
Абдусабир АХМЕДОВ

**Дизайн, вёрстка**  
Мухаммад МУСАЕВ

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации  
П/И № ФС 77-37006 от 29 июля 2009 г.  
При перепечатке ссылка обязательна.  
Набрано и сверстано на компьютерной базе газеты «Ассалам».

Отпечатано в ООО «Дом печати» по адресу: пр-т Акушинского, 20

Заказ №

**Тираж 2700 экз.**

Сдано в печать 31 марта 2016 г. в 16:00

**Индекс 51388**

**Адрес редакции**  
367027, РД, г. Махачкала,  
проспект Акушинского, 5-я линия, 19.  
Телефон редакции: 8-928-530-59-70.

По вопросам подписки и доставки обращаться по телефону: 914-222, 8-988-291-42-22.

**E-mail:** assalamlak@mail.ru, assalamweb@gmail.com  
**www.assalam.ru**

## Малаиктурал тлабиат

Малаиктал Аллагу Таабланал нурдания ляхъан бувсса махлукъри. Миннал даймур дитаймур – так ца Аллагънал ﷻ тимуний бацлавур, Кланал амурду буруччавур, щаллуну биттур бавур. Миннал дукия-хлация – зикри бавур, Аллагъ ﷻ клиці лагавур. Рухі дусса затру миннаяр чярусса дакъассар. Гьарца ляхъан дурсса затирттал ялув буссар бивтун малаиктал, мий буручлан, ябуллан, аьркиннин тлайла буллан.

Малаиктурал тайпарду бакъассар жулва кунма арамтал-хъами тий, Аллагъу Таабланал амурдава букваву дакъассар. Аруллагу лухччи ссав миннал дурцуну дуссар. Цалвагу даражартту, личи-личийсса буссар. Яла Аллагъу Таабланачан гъанмий мукъа буссар: ца Жабраилли – Идавстурачан вахъю (Аллагънал амурду) лавсун занай ивкисса, цувагу, мудан суждалийн агъну тасбихі дуллайнасса. Му Жабраиллукъинни циняв луттирду, улти лирксса Идавстурайн. Аллагъу Таабланал амрулий, циняв Идавстувран идавшиву лиркшиву бувсмагу му малаикри. Хъиривма Микаил тима малаикри. Мунайсса амурду дуняллул уртту-щинах, гъарах-мурчах, гъвалух уругавури. Мунал цалва малаиктурал аьрал буссар, кумагру бувайсса. Гьарал чун лачун дан амру бурив, цими гьарал клунт ликкан бан багълай бурив клул буну, бувцуну миккун цалва малаиктурал аьралгу, гьарца малаикнахъхъун ца-ца клунт гьарал, ца-ца пиягъ марххалттанил буллу-ну, биян бансса кланттугу ккаккан

буну, гьарал-марххала биян байсар жучланма. Мув марххала, гьарал лачлалчисса чумал паракъатшиву дагъну диклайссагу, мий малаиктал лухчинин ликлай, ссавруннайн лахълай, рахмат ликлакисса, цими бивхъусса чун дунутгийри. Мув чумал дуаь чяру давугу хъинсар, Аллагъу Таабланачла къамулсса чунни. Мурчал ялувгу мува Микаил малаик уссар. Марххала, гьарал

уссар Аллагънасса ﷻ амрулух. Амру бивклукун, бишунтиссар му сур. Му бивщукун зирзуну гъантиссар миву дирхъусса гьарица зат. Му бищавугу Къиямасса кьини дурклукунни биклантисса. Килчин бивщукун гьарцаннал цала-цала чурххардивун рухлру клура даянтиссар. Исрафил малаикналмур бигар мури.

Яла хъунама малаик Малакульмаври, ягу Изрияиль. Мунайсса би-

чурххавун, гьарца чивимур базулувату (клеткардавату) рухл клунклу дуллай, дуклан биклайссар. Му хъуннасса аьзабри. Му аьзаб яла гъан дува тий дуаь чяруну дуллан аьркинссар цумацагу. Инсанналмур рухл ласаву ччаннал хъун клиссуртгатаур байбишайсса.

Вай мукъагу яла Аллагъначан ﷻ гъансса малаикталли, вайннайн малаикатуль-мукъаррабинтал учайссар. Вай бакъассагу, ялагу буссар хъунисса цайми малаиктал. Мигу Аьрш бивгъуну бавцусса мукъа малаикри. Къиямасса кьини ми мукъунная мяйя хъуну биклантиссар. Ялагу буссар инсаннал ялув бивтсса, амаллу чичлачисса кия малаик. Хъинмий амаллу чичайманал ца Ракъибри, оьккимий чичайманалсса Аьтидри. Мигу, муданма гьарца инсаннащал буссар, личий къашавай. Бисмиллагъращал бивмур, Аллагъ ﷻ рязий хъунмур амал Ракъиб тиманал чичайссар, вайми бунагъмий амаллу Аьтиднал чичайссар.

Алжаннул ялув ивтсса, му ябуллалима малаикнайн Ризван учайссар. Гьарца Алжаннул ккурккай ша бивзманахъхъун салам мув Ризванулли булунтисса (жунмагу нясив баннав). Дужгагьирал ялув ивтанан ца Маликри. Мивун нанимий мув Малик тиманалли хъуна бакъинтисса.

Ялагу буссар кия малаик Мункар ва Накир тисса. Миннаймур бигар – гьаттаву бивхъуминнахъсса суал бавур. Мусульманчув, чапурчув личий бакъа бувайссар цалва байсса суалгу. Аллагъ ﷻ рязий хъуну оьрму бувтнал, амал ххуйну тлайлану бивманал, хладуршинна дурманал гьаттаву ккаккан ххуйсса суратрай бучлайссар.

гихунмай 7 лаж.

НАСИХАТ

## Циняв миллатру Аллагънал хъхъичі архлалссар

дайдихъу 1 лаж.

Кугу бур, журу яла хъинмигу, ххуймигу тий, дуньяллий «демократия» дихълай бивкун. Мукунсса «демократия» дихълай щаллусса хлукуматругу пив-ххив дурну, гиккусса миллатругу бухлаган буллай, гайннал аьрщи, аваданшивурдугу хъямала дуллай, ялагу нач-хлая дакъа телевизордавух биклу, интернетраву биклу, ми бур ххарину буслай цалла дихълахъисса «демократиярда». Чявуми инсанталу бур ми щялмахъирдайн вих хъанай. Ми гьарзатгу дуллай бур цала миллат, хлукумат тлайлашиврий ккаккан дуллай, лагмамигу мукунма яхъанан аьркинссар тий. Укунсса ишру бавчун бур Европанал хлукуматирдал дуняллий колонизаторский политика дачин дурсса чумал, цайми хлукуматру ласлан. Цалла дуллалисса оьккишивурду тлайлану ккаккан даншиврул, миннал дуккан дурну дур цусса идеология. Му къатлайласса идеологиягу дургъуну, миннал лавсунни дуняллий чярусса хлукуматру, хъямала дурну гайннал думур – дакъамургу, лиян буну гиккусса инсанталу. Америкланал континент ласлай, Европанал агъалинал ливтуну бур 50-хъул миллион инсантурал, тай клантурдай яхъанахъисса индейцы. Гания махъгу Гитлердул цалва мил-

лат «арийская раса» тий, инсанталу хъяврив буну, дачли дуняллу ларсун чявусса халкъгу лиян бивссар. Ттуршваксса миллион ливтлуссар тий бур му дьявилу. Утти Америкагу бур мукуннасса дарккусса идеологиягу гъаз дурну, дунял зия дуллай най. Израильнал хлукуматрай Аьрбанал миллатрал инсантурал чулиннай дур чярусса тлайла дакъашивурду дуллай, мигу мува куццуй тлайламигу, хъинмигу цивпару тий. Утти мусульманнугу тий, бивкун бур, цивпару яла марцмийгу, тлайламигу тисса сектагу, мийгу бур дьявирду, питнардугу дуллай цалчин мусульманнал хлукуматругу, халкъгу лиллай, мигу хъанай бур мура дарккусса идеология дачин дурну, мива Американал, Евросоюзрал дунял, цанна ччикун дачлай дачин дурсса политикалул ца къарттану. Исламраву миллатру личи баву дакъассар, ку ххуйсса кугу оьккиссар тисса. Жунма чалайсса куццуй, Дагъусттаннайгу, Кавказнавугу циксса журацца миллатру бунугу, жува буру Ислам дин дургъуну най цикссагу шиннардий. Жула дянив тачлава къавхъуссар журу ххуйми хъинми тий цайми миллатру лагъ буллалисса питнардугу, дьявирду. Цана дуняллий бакъахъунссар цавагу миллат мусульмансса дин дакъасса, мунийнугу жунма чалай бур, му дин

так ца Аьрбанал дуллусса дакъашиву. Шищачлава цучлава нигъай Аллагънайн ﷻ вих хъанахъи уван къашайссар, нигъа увсуну инсаннал дин мазрай къамул дарчагу, му дакниву дакъахъурча, ялагу кваритайссар. Цубутлуй Совет хлукумат дихълахъиний, дин дувайсса инсантурай зулму буну бивкиссар, яларив бивчайхту инсантурал дакурдива Аллагънайн ﷻ вихшиву дуккан дан къашайсса, бахчаву чан дурссар. Жунма цинявннан клулли га хлукуматрайгу бан ччинал бувайссия чакгу, дингу инсантурал дакурдиву дуссия, му дух лаган дангу къархъуссар. Цанагу вана жула щархъаву буну хъинсса мизитругу, хлаллилух инсанталу клура баллай динналийнугу, буттахъал аьдатиртайнугу, бивчлайтгий дин дакъахъурчан инсаннал дакниву, мунал оьрмулул мяьна дурагу дакъашиву.

Мухаммад идавсил ﷺ махъва махъсса вягъзалулу увкуссар: «Я инсантал! Аллагъ ﷻ цар усса, жула буттагу Адам идавси ﷺ, мугу Аллагънал ﷻ ляхъан увсар аьрщарая! Яла талихл бумагу Аллагънал ﷻ хъхъичі марцмари, хъинмари, узданмари, дакъассар лахъшиву арабанал вайми миллатирддаяр, мукунна цайми миллатиртталугу дакъассар ххуйшиву куннаяр кунналгу. Кияласса бурчу буминналугу дакъас-

сар лухисса буминнал хъхъичігу, мукунна лухиминналугу дакъассар кияламиннаяр лахъшиву, так ца Аллагънал ﷻ хъхъичісса тлайлашиву дакъа», – куну». Ва хладисрава жунма чалай бур Исламраву дакъашиву миллатирттал дянив ку ххуйссар, кугу оьккиссар тисса личишиву. Мунил къатиссар жула миллату, аьрщигу, мазгу къаьркинссар тий, миллат ххирашиву му иман душивур. Шикку тимур инсантал так цала миллат гъаз буллай, га лахъ буллайсса иш къатлайлашиврия, муниву хъунмасса заралгу бушиврияр. Ттинингу жула буттахъаща хъуссар, циняв инсаннал ялун дучлайсса захматшивуртту къянкъану лахъан, къаритан дакурдивун куннал куннал чулухуннайсса оьхлалшивуртту, оьккишивуртту. Цанагу вай жула ялун наниссагу, Дагъустаннал аьрщарай хъанахъисса захматшивурттугу, хъхъичла дукъан дурну, жунма аьркинни ва жула Дагъустан паракъатсса, дьявирду бакъасса буттахъал улчану, жула оьрчаран къабитан. Бюхтулсса заннал булуннав жунма аькълугу, имангу, барачатгу. Амин!

МУХАММАДВАКИЛ ДАДАЕВ

ДАГЪУСТТАНАЛ МУФТИЯТРАЛ  
ККУЛЛАЛ РАЙОНДАЛИЙССА ВАКИЛ



# 500-мур номерданушчал барча баву

дайдихъу 1 лаж.

Аллагънайн шукру, жува мусульманталну ляхъангу буну, цала Идавсил ﷺ ххулийх бачин каша дуллуса.

Дақнихтуну ттула чулуха ва Дагъустаннайсса мусульманнал умматрал чулуха барча буллаи ура циняв кказитрал ялув зузимигу, цалчинмур номердания байбивхъуну зий бивкмигу 500-мур номер буккавришчал.

Ляличину кичи лаган ччай ура редакциялий зузиминнал, макъаларду чичлачиминнал вайксса шиннарди кказит ита бакъин, ххуй буван бивхъуса захмат.

Барчаллагъ учин ччай ура хъхъу-къини къаувкуну, гъи-ки къаувкуну, кказитрал подписка дуллаи ва му биян буллаи заназиминнахъ. Дақний бикфияра, зу дуллалимур – мийжаннугу Аллагънал ﷻ, Исламрал ххулийсса даври.



Имам Бухаринал ва Тирмизинал луттирдавусса хладисраву бусун бур Идавсил ﷺ увкушиву: «Тгуюту ца аят бунугу халкъуннай биян булуварал!», – куну. Жуйва гъарцаннайсса буржри ца аят бунугу, ца хладис бунугу, Исламрал ххулийсса ца махъ бунугу цайминначан биян баву. Мунил мягнагу – жучанна дирсса диндалул элму цайминнан клул дуван хларачат буллан аьркинссар.

Щак бакъа учин бюхълай бур, ва кказитраха зузиминнал киа хладисравусса амру биттур буллаи бушиву. «Ас-салам» хъинну ххуйсса кказит бур, ттун му ххирар, на му буккара, гъарца мусульманчуналгу букларча хъина.

Ва кказит ита бакъин, биян буван, гъарза буван чанссавагу хларачат бувайми Аллагънал ﷻ талихИрайн буккан буваннав, цими бишиннав, бунагъру шюшиннав зулгу, зул гъанминналгу. Амин.

АхИмад-хИажи Аьбдулаев,  
Дагъустаннал Муфтий

## Хурмат бусса «Ас-саламрал» редакция!

Дақнихтуну барча буллаи ура зу чаннасса ва лайксса юбилейрашчал!

«Ас-салам» кказит хъанай бур яла машгъурмур диндалул кказит, Дагъустаннайн бакъа, щалвагу Аьрасатнаву.

Чалай дур зул коллективраву душиву ватандалухсса ва диндалухсса ччавугу, тлайласса журналистшиврул ххуллу бугъуну нанишивугу.

«Ас-салам» хъанакъиссар Дагъустаннал ца лишан, чйрусса шиннарди муттали дакъаву дуруччаврил ххулий зузи бусса. Оьрус мазрай бакъасса



ва Дагъустаннал миллатирттал ряхва мазрай ита бакълакъисса кказитрал цакъ дуллаи дур жула маданиятрал ва миллатирттал аьдату.

Ва кказитраву лякъин бюхълай бур мусульманнал оьрмулувацца цусса хаварду, ххал бигълай бур агъамсса масаларду, хъунисса алимтурал ванийхчин бувчин буллаи бур ххуймур-оьккимур.

Ча тий буру зул кказитрал зузалтран талихI ва гъарца ишираву тлайлабацIу. Вания тихунмайгу кказитрал цIа гъаз дуллаи, халкъ хъинмунийн клунклу бавриву хъхъичунсса клану бугъан тавпикъ булуннав. Зул буккултрал ялунгу так барачатшиву, ххариву дияннав!

Мухаммад АьбдурахИманов,  
Дагъустан республикалул Дагъустаннай диндалул идарарташчалсса даву дачин даврил Комитетрал бакчи

## Бисмиллагъи-р-рахИмани-р-рахИм!

Къуръандалува бур Аллагънал ﷻ увкусса укунсса махъру (мягна): «Зул дянив диклуча ца къюкъа, халкъ ххуймунин тлайла буллалисса ва оьмуния байшун буллалисса. Мири биклантисса хъхъичун бувкминнавух» (Алу Имран, 104 аят).



хъанай бур циняв регионай, мунил лавсун най бур бийкъаву дакъасса элмулул чани.

Диндалухсса мюхтажшиву – инсаннал Табаьтравусса тлайвшиннари. Заннашчалсса дахлаву, диндалийн клура баяву, Аллагънал ﷻ мукъухсса хурмат цанасса чумал хъиннува агъамсса ишри.

«Ас-салам» кказит буклай бур 1994-ку шиная шинмай. Вай 22-ра шинал муттали цинявиннан клул хъунни му бушиву сий дусса, экстремизмра ва аьвамшивру архсса кказит.

Хлакъинусса къини кказитрал тираж бур 100 азарунийн бивсса, му таржума буллаи бур чйвусса миллатирттал мазурдийн. Чалай бур мусульманнал умматраву бушиву мунийсса макъалартту дуккаврихсса гъира.

Барча буллаи ура «Ас-саламрал» коллектив юбилейрашчал, зуй Аллагънал ﷻ цими бишиннав, умматран мюнпатсса даву дуллан ка бакъиннав.

Камил хИазрат Самигуллин,  
Татарстаннал муфтий

## Ас-саламу аьлайкум!

Кказитрал цIа хъанай дур «Дакъаву», «Паракъатшиву». Ми дур хлакъину жунна аьркинсса задру, мусульманнал умматраву диклу, умматрал къатлув диклу.

Б а к и р а л ялув паракъатсса ссав дусса чумал бигъассар оьрму бутан, дакъаву дуруччин, к у н н а н - к у бувчIаву гуж дуван.

Тгул пикрилий кказитрал яла агъаммур мурад хъанай бур халкъуннал дакъурдиву паракъатшиву, саламатшиву цакъ даву ва личи-личисса миллатирттал вакилтал куннашчал ку уссурвал кунма ялапар хъанан кумаг баву.

Ильдар хИазрат Аляудинов,  
Москав шагърулул мусульманнал Диндалул Идаралул бакчи



## Хурмат лавайсса «Ас-саламрал» зузалтI

Къамул бувара ттул чулуха дақнихтунусса барча баву 500-мур номер буккавришчал.

Ттун клулли буккулт ялугълай биклайшиву хъиривмур номер букканнин, цанчирча гайннан «Ас-саламраву» ляхълай дунутий циняв цала суаллахъхунсса жавабру.



К к а з и т бур халкъуннашчал ихтилатрай 1994-шиная шихунмай. Вай шиннарди мудангу «Ас-салам» бивкиссар гъарца мусульманчунал гьалмахчувну.

Чйвусса спортсментурал чичай зул кказит. Миннал хъинну гъирай буккайшивугу клулли. «Ас-саламраву» спортраясса, цулул-сагъшивруясса макъалардугу хъуна дакъай.

Ча тий ура Аллагънал ﷻ рязишиву, дақнил аваданшиву кказитрал зузалтран, му ита бакъин кумаг бувайминнан ва буккултрачIан биян байминнан. Зун тлайлабацIу буваннав!

ХИажимурад МухИаммадов,  
ЛачIун буккаврил Олимпийский чемпион,  
Аьрасатнал лачIун буккаврил командалул хъунама тренер

Дақнихтуну барча буван ччай ура «Ас-саламрал» редакция 500-мур номер буккавришчал!

Зул кказит къакуллсса инсан Аьрасатнаву акъахъунссар. Зу дуллаи буру мусульманнан ва



мусульман бакъаминнан диндалуясса щаллусса клулшивуртту. Ми клулшивурттая бур мюнпат инсаннал чурххангу, дақнингу, рухИрангу. Устазнал барачатрайну зузисса редактортурал ххал буну, дузал буллаи бур гъарца макъала шариаьтрацIун даркъусса диклаву.

Вания тихунмайгу ттуршвахъул, азарвахъул номер ита бакъин, буккулт тлайласса ххулийн буцIан, дакъаву дуруччавриву кумагну биклан зухъхъун цулулшиву дулуннав!

Аьли Вячеслав Полосин,  
Миллатирттал дянивсса жамятийсса Мусульманнал центрданул президентнал хъиривчу

Ттун чIалачIисса куцIуй, «Ас-салам» хъанай бур циняв кказитиртава яла агъаммур, аьркинмур кказит. Цанчирча, муниву чивчуну бур хлакъинусса къинисса агъалинан чара бакъа клулу биклан аьркинмур. Кказит ихтилатрай бур жула дакъурдишчал. «Ас-саламрал» буккулт бур щалагу Аьрасатнал хлукуматрай, цамур мукунсса кказит ттун къакулли. Ваниву чичлай бур гъарцанная ва гъарзадрая. Му буккин бюхълай бур дин дувайманацагу, къадувайманацагу. Ттун чйвуну баяй «Ас-саламра» дуллалисса цIарду. Щак бакъа му бур цалчинмур номердания байбивхъуну барачатсса кказит.

Барча буллаи бура редакциялул зузалт ва буккулт жула оьрмулува «Ас-салам» бунутий. Ци замана бучIарчагу, му кказит бакъасса чIун къадучIаннав!

Лейла Бахадори,  
чичу, журналист

# Хъаннил махІрамтал

МахІрамтал – хъинну гъансса, ма-часса чиваркІри. Миннал дянив ташу бан къабучиссар, миннал ка щурчагу чаклин биссаву зия къашайссар.

Хъаннинсса махІрамтал хъанахъ-иссар буттал ягу ниттил чулухасса маччами:

1. Ппу, буттал ппу, буттал буттал ппу...

2. Цила уссу, ца ппу усса уссу, ца нину дусса уссу.

3. Арс, арснал, душнил авлад.

4. Уссил, ссил арсру. Гайннал авлад. ДакІний битан аьркинссар, нитти-буттайхІинсса маччашиву дазу дакъа къуртал къашайссар. ОьрчІайхІинсса маччашиву къуртал шайссар, дагъайссар. Мукунна уссийх-ссийхІинсса маччашиву-гу. Масала, ниттиуссу ягу буттауссу махІрамталли, гайннал ппу ягу буттал ппу. Амма махІрам къахъанахъ-иссар буттауссил ягу ниттиуссил арс. МахІрамтал хъанахъиссар ккуккулул накІлил маччами:

1. НакІлил ниттил лас ва ганал ппу...

2. Ниттил накІлил уссу (ганан вила ниттил ккукку булуну бухъурча ягу бутталщарнил ккукку булуну бухъурча). НакІлил ниттил цила арс, накІлил ниттил накІлил арс, мукуна, накІлил арс, накІлил буттал уссу ва накІлил буттал цала арс.

3. НакІлил арс ва ганал авлад.

4. Буттауссил, ниттиуссил накІлил арс ва ганал авлад.

5. НакІлил буттауссу, ниттиуссу ва миннал ппухълу. Ниттил накІлил гъан-маччашиву кІул дан захІматссар. НакІлил ниттил лас хъанай ур бутта, ганал ппу ккалли хъанай ур бутталппуну. НакІлил гъаншиву хъанай ца чул бувгъусса, лякъул оьрчІайхсса гъаншиврух бурувгун. НакІлил ниттил гъансса

ниттил арсру, цила лякълува увсса арсная личІий къаайсса.

Щар хъуну махъ хъусса маччамийгу хъанахъиссар махІрамтал.

1. Ласнал арс ва ганал авлад.

2. Ласнал ппугу гъансса маччачуври ва хъанахъиссар махІрам.

3. Ниттил лас, ниттил ниттил лас махІрамталли.

4. Куяв – душнил лас, душнил оьрчІру, гайннал оьрчІру...

Яласса арагтумнайн ка щаврин къадагъа дуссар. Жулва мазгъабрайн бувну, мукуна ка щурча, адаминалгу хъамитайпалулгу чаклин биссаву зия шайссар. Укунсса къадагъа дунура, Дагъусттаннал шяраваллаву, шагърурдай, арагтуннахъхъун ссалам булуну хъаннил ка дугъаву аьдатравун дагъну дур. Агарда имандалийсса шарссанил ка къадулурча, ганий хъай бур, вин кару шюшинсса щин чан хъунхурав, тІий. Щин диял хъунссар, амма му къадагъа дирхъусса ишри, къадагъа дирхъумунин мютІий акъаманал Аллагънал ﷻ хъхъичІ жаваб дулунссар. Шикку чивчусса маччаминнащал хъаннин бучІиссар хІажлив гъан, дунияллийх ссапарданий гъан, цивпалугу ца къатлуву бацІан, гайннащал маслихІат буван.

## Къадагъа дирхъусса гъантри

«МарцІшиву – диндалул дачІири», – увкуну бур жула диндалува. Хъаннин къадагъа дирхъумий гъантри — зуруй цал шайсса, хъами чурххал хъусса (менструация) ягу оьрчІ бувну махъ марцІ букканнинсса гъантрири. Мий гъантрай хъаннин къабучІиссар чак бан, зума дугъан, Къабалул лагма бувккун тІаваф бан, мизитравун буххан, Къуръандалул луттирайн ка щун, сура ягу аятру дакІних буклан, адаминащал утту бишин. Хъунисса аьлмтал бур, мий гъантрай хъаннин дукрагума къадуварча хъинссар, тІий. Чурххал шаву лахъи лагайссар ца гъантлия ацІния ххюва гъантлин дянин, дянивну 5-7 гъантлий. ОьрчІ бувну махъ шарсса оьгтуя марцІ шайссар дахъа оь бувксса чІумуя байбивхъуну ххюцІалва гъантлий, дянивну — мукъцІалва гъантлий. Вай гъантри лавгуну махъгу



марцІ буклай бакъахъурча, му азарну ккалли дувайссар, (исттихІаз) марцІ къашавуну хІисав къадувайссар. Масала, чурххал хъанай бивкІхъурча ацІния ххюва гъантлий, амма марцІ бувккуну бакъахъурча, ацІния ряххулчинмур къини ялувссар щаллуну гъуслугу бувну (щалва чурх шювшуну) чаклий бацІан. Агарда азар лахъи лаглай духъурча, зурдардий марцІ къабуклай, хъаннин аьркинссар чак буллай байбишин. Му чІумал аьркинссар дакІний бивтун чурххал шайсса гъантри, мий гъантрайсса

чак лях гъан бан. Масала, агарда зуруй арулва гъантлий чурххал шайсса бивкІхъурча, къашавай бунувагу арулва гъантлий чак лях гъан бан аьркинссар. Яла чак буллан аьркинссар ва цаймигу исламрал тІалав дуллалимур дайссар. Му чІумалгу дуруччин аьркинссар чурххал, янналул, чак буллалисса кІанттул марцІшиву, гъарца чаклил хъхъичІ биссун аьркинссар тІагъаратту бувну. ТІагъарат

марцІ хъурча кІюрххицІун чаклил чансса хъхъичІ, хъирив лахъайссар маркІачІан ва хъатІан чакру. Укунсса кІанттурду хІисав къадуларча, ахиратравун гъан бюхъайссар лях лавгсса чакурдил буржругу лавсун. Зума дугъул зуруй къадургъусса, лях ларгсса зумардугу хъирив лахъайссар. Ми хъирив лархъуну хъинссар рамазан барз къуртал хъуну махъ ягу ялун нанисса фаризасса зума ду-



бан аьркинссар гъарца азан увкуну махъ. Му къамул байссар. Агарда хъамитайпа къашавай хъуну бухъурча, му гъарча хъинссар хъамитайпа — хІакинначІан, гагу иман дусса бухъурча хъинссар. Ягу цамур диндалул хІакин-хъамитайпалулчІан лавгун хъинссар. Агарда– рив азар хъин дайсса хІакин адамина акъа цама акъахъурча, лагайссар адамина-хІакинначІан, му– гу иман дусса бусурманчув ухъурча хъинссар. Бусурманчув-хІакин акъахъурча, бусурман акъама– начІан гъан бучІиссар цицала цу-унугу увцуну (масала, лас, ссу, нину...). Амма, чІявусса ттисаманнул хъами лагай кІул акъаса хІакинначІан, начгу хъама риртун, арагтуннахъ цивппа тІимур буллан бан (массаж), ках-шах буллалли бан, баявгъалли бан.

Цуллу-сагъсса шарссанил щаллуну гъуслугу бувну, чак буллай байбишин аьркинссар. Экъи нанисса щиналу чурх шюшлай бухъурча, къис бивкІун ялавайсса базурдугу марцІну шюшайссар, муниннин къабучІину бивкІмургу дуллан бучІиссар, амма къабувну ливчІсса чакру хъирив къалахъайссар. Агарда чурххал шаву дайдирхъуну духъурча чаклил чІун дуркІун, азан тІутІини, марцІ хъуну махъ га чак хъирив лахъан аьркинссар. МарцІ бувккуну махъ, гъуслу гацІана байссар, хъамал ягу мачча-гъанмий бувкІун бунугу. Хъхъу дучІаннин ялугълан, ягу цал даву къуртал дуллан аьркиншиву дакъассар. Хъамитайпа марцІ буккарча азан учиннин чансса хъхъичІ, му чІумалгу гъуслугу бувну чак бан аьркинссар. Мукуна хъирив лахъайссар ххуллин бувксса чІумал дацІун бувсса чакругу. Масала, марцІ хъуну бухъурча маркІачІан чаклил чІун дучІаннин чансса хъхъичІ, хъирив лахъайссар ахттайн ва ахттакъун чакру. Агарда

гъай барз бучІаннин. Агарда, марцІ буккаву хъуну духъурча рамазанда-лул хъхъуну, хъаннин аьркинссар ниятту дурну цалчинсса къини зума дугъан, кІюрх дучІаннин чурх шюшинсса чара хъуну бакъахъурчагу. Так ца зума дугъай зуруй бучІиссар зума дугъан щаллуну гъуслу бувну бакъанува. Агарда, къадагъа дирхъусса гъантри хъурча хъамитайпа хІажлий бунува, ганин бучІиссар хІажлил гъарца низам дуруччин, так ца Каъбалул лагма бувккун тІаваф бан къабучІиссар. ХІаж къуртал хъурча тІавафгу къабувнува, тІаваф личІлачІиссар буржирай. Ганин аьркинссар ялунчІин зана бивкІун цІуницІа хІаж бан. ТІаваф къабувсаксса ганин къабучІиссар шар хъун, ласначІа утту бишин, ласнащал хъарч-махсара бангума. Къадагъалул гъантрай шарссанин бучІиссар вирд, зикри, ссалават дуклан, дуаь дуллан, Исламрал луттирду буклан. Чаклил чІун дуркІсса чІумал, бучІиссар тІагъаратту бувну арулцІалила ссалават дуккин. Къадагъалул гъантри Аллагу Тааьлал цІимилун буллуссар хъаннин. Цалчин гайннал чурх марцІ буккайссар, чІярусса азарду чІарах лагайссар. КІилчин, гайннал рувхІанийшивугу марцІ шайссар. Аллагу Тааьлал махъ буллуссар жула ниттихъал ниттихъхъун, ХІавахъхъун, ми къадагъалул гъантрай бувсса бунагъу багъишла бан. Хъуннасса къову дурхІуну оьрчІ буллай, га цила бувсса оьрчІ кунма, хъами марцІ хъанахъиссар бунагъирттая. Шарсса оьрчІах дирчІарча, ганил бивкІу шагъиднал бивкІулун ккалссар. Къадагъалул гъантри душнил хъукун, га балугъравун бивсса душри, хъун хъусса душри. Ганил биттур буллан аьркинссар Аллагу Тааьлал цийва бивхъусса буржру.

*гикунмай хъиривмур номерданий*



# Раджаб зурул хъиншивуртту

дайдихъу 1 лаж.

Аллагъу Тааъланаха эбадат даву дуссар личи-личийсса журардайсса. Яла аьркинмур – фаризамур эбадатури, хъирив важибмурди, яла суннатуль муаккадамурди, хъирив вайми суннатур, хъиривгу мубахимурди (къабарча бунагъ бакъасса, барчагу чире бакъасса). Жунма цуксса хайр биян най бухьурчагу, муданма эбадатури бавцунма биклан нажагъссаннашагу къашайсар. Мунияту Аллагъу Тааъланал буссар жунма бигъа буван, куклу буван, цаппара гъантри,

барзру, чунну ххира дурну, личий дурну. Мий чуннарди дурсса эбадат, садакъа лахъсса даражалий къамул дувайссар. Мий чунну эбадатури чюлу дуварчан, гайми гъантрай дурмургу ххира дурну, даража лавай байссар. Мукуссса ххира бувсса барз хъанакъиссар Раджаб барзгу. Мунил хъиривмур Шаьбан барзри, яламур ххирасса Рамазан мубаракри. Жула халкъуннал шанбарзру учайссар. Раджаб – зума дугъул зуруйнсса хладуршинна дуллай байбишайсса барзри.

Раджаб хъу дугъаймур, Шаьбан – щин дугъаймур, Рамазан – баклахаъия даттаймур барзри. Гъану бивзсса кунма къаттагу бачайхъувкун, Раджабрай, Шаьбандалий хладуршинна дурсса кунма, Рамазан барзгу гъан буван шайссар. Рамазан барз турча, зурдардил бакчи, патишагъри, лайлатуль къадри циву къюлт дурмурди, дуаь къамулмур барзри, циву ца фариза бивхъумурди. Хладуршин къадурна, хъуна бакъин, тлайла буккан, эбадат дуван жапа хъанан биклайссар.

Цуппа му Раджаб барз, яла хъинну гъан байсса куцгу, муниву буван хъинсса амаллугу укунсса буссар. Яла хъинмур затгу – зума дугъавур. Буржлувсса зума дунал, буржлавхъун, вайминнал суннатмур зума дургъуну хъинссар. Миннулгу яла чиримур, чанмур – зурул дайдихъулий, дяниву, ахирданий ца-ца зума дугъавур. Мунияр хъинмур мува члумух шанна-шанна дугъавур. Яла хъинмур турча, щалва барз бугъавури. Мива гъантрай чурх шовшуну, хламмам барчагу хъинссар, бунагъирттая чурх марци шайссар. Му зуруй ца духьурчагу зума дургъума Алжаннавусса Раджаб тимур неххая хладан антиссар Аллагъу Тааъланалгу! Машааллагъ, дулайма Аллагъри ﷻ, жуннагу нясив даннав! Зурул хъхъичьсса 10-гу гъантлий «Субханаль Хайюль Къайюм» увкуну, хъиривмий 10-гу гъантлий «Субханаллагъи Ахладид Ссамад» увкуну, махъмий 10-гу гъантлий «Субханаллагъи Рауфу» учавугу хъинссар. Ахиратраву хъунисса чирирду, хъиншивуртту хъуну лякъинтиссар! 12-ва «Къулгъу» буккавугу хъинссар. Зурул цалчинмур хъхъуну садакъартту бачлаву, цурда хъхъу уттара давугу хъинссар. Цалчинсса нюзмар-хъхъугу хъинну ххирасса хъхъури. Му хъхъуну Расулуллагънал ﷺ нитти-буттал магъар бивхъусса хъхъур. Расулуллагъ ﷺ увсса къини яла ххирами къинирдаяту дусса кунна, ниттил лякъилуву ивхъусса хъхъугу ххирамай хъхъурдаятур. Ялагу мув зуруй хъусса хъунмасса иш – Миъражри. Миъражрал хъхъуницун дархуну дуссар жура дувайсса чярусса эбадатури. Хаснува, чак баву, цуппа чакливу даймур, буккаймур му Миъражрал хъхъунур бурж буну, ялув дурсса. Ва жува чак бавхуну махъ, гихунмайсса гъарца жула чурх бацайсса куц (поза), аруллагу ссавруннайсса малаик-

тал бавцусса куцри. Цалчин чак бахлайнийсса вичацун кару гъаз дурну авцумурди, яла кару лякълуй дирхъуну авцумурди, яла рукуърай (никирттай кару дирхъуну, къус ивкун ацлавур), яла мичча лавай гъаз хъуну нанимурди, яла кару ита даркъуну авцумурди, яла суждалийн агъмурди, хъирив аттахият дуккин щя ивкмурди. Ялагу ххирасса Идавсин ﷺ Аллагъу Тааъланал дуллуссар му хъхъуну хъуннасса элму.



Луттирдай бувсмунийн буну, Идавсил ﷺ буллуссар тлар Аллагъу Тааъланакъхъун 99000 суал, гъарца суалданухъхъунгу жаваб дуллуссар яла камилмур куцдуй. Мий элмурдивгу шанна жура дуркиссар. Ца жура, Цанна Идавсин ﷺ хасъсса, щинклуй клул къадурсса диркиссар. Ца жура, хъхъичунмаймий асхладуврахъ бувсъсар. Ца журагу цинявннан клул хъун гъарца багъсса иширачла ишла дуван бувсъсар. Цанакулнин жура ишла дуллай, хайр ласлай, мюнпат

ласлайгу буссару. Чарав бешара, Муса Идавсил ﷺ Тури Сийнайн зунтуй уна Таврат ликкайний, 1000 суал буллуссар. Мунангу циняв суаллан щалусса жавабру клул дурссар Аллагъу Тааъланал. Мугу хъинну хъуннасса элмур. Миъражрал хладис биклу, мунивату лавсъсса хаварду биклу, хъунисса, чявусса буссар. Му хъхъуну жула Идавсин ﷺ Алжан ккавккссар, мивусса ниъматру ккавккссар, миву гъарца кланттайн

буржну ялув бувссар. Мигу цал 50-ва буван ккаккан бувссар. Умматран захлат хъунсса чалай, чла тий, чан буну 5-нийн биян бувссар. Миксса хъиншивуртту хъуссар ва ялун нанисса ххирасса Раджаб зуруй. Ислам тисса мукъул мягна аьрабрая лакку мазрайн дуцирча, авкъуну иклаву тиссар. Акъавугу хъхъичИра хъхъичИ Аллагъу Тааъланалли диклан аьркинсса, яла Идавсил ﷺ ххуллушалли, яла цала нитти-бутталли, яла члаххуврашал, гъанминнашал, дустурашал яла гихунмайминнашалли. Шиха эбадат дуллай, тиха хъуни бунагъру буллай ухъурча, хайр къабивна личайссар. Му хъуннасса дахчичрур цума цаннахунсагу. Мунияту, дайсса эбадатту аьйкъаву дакъа дурну, нитти-бутталгу, члаххув-чарахнашалгу хладу бакъин буну, хъуни бунагъирттаятугу махъунай хъуну иклан аьркинссар дайдихъулун. Мунияр махъри дурмунияту, бувккмунияту хайр биллан биклайсса. Хласил, бувсса амалдания хайр хъунтисса дахчичру хъхъичла дукан дурукунни. Ва ялун нанисса ххирасса Раджаб барз хъунагу бавкъуну, къадру-къиматту лавайну тлайла буккаву, Аллагъу Тааьла жуятува рязий авур, Расулуллагъ ﷺ ххари авур, жула шайхтал рязий бавур, жунма жула оьрму, ахират бигъа давур, жунма Алжан чюлу бавур, къумасса даккру рахлат дуккавур, Къиямасса къини жунма цакъсса хлучар, жула лагма-ялттунан жуятува барачат биявур, мукунна цаймигу хъиншивуртту чяруссар. Жувагу Аллагъу Тааъланал диндалул биклу, дунияллул биклу баякъу ххуллурдаяту буруччиннав, жулла эбадатту къамулну лякъиннав, ва ялун нанисса Раджаб барзгу хъиншивуртталласса, барачатшивуртталласса хъуннав. Рамазан зуруйнсса хъин дайдихъуртансса хъуннав. Амин!

урувгссар. Шийсса цукунсса эбадатури цукунсса ниъматиртталласса хлужарду булунтиссарив клул хъуссар. Дужжагъгу ккавккссар. Мивусса аьзабру аькъубардугу ккарккссар. Ссал циний дулунтиссаривгу клул хъуссар. Хъунисса Идавстурачалгу хъуна авкъуссар. Миннашал ихтилатругу хъуссар. Байтуль Мукъадаслив (Иерусалимлив), циняв Идавстал ﷺ бавтун миннал хъхъичИ имамну авцуну, жамаатрай чакгу бувссар. Къинилул муттаний 5 чак

МУСУЛЬМАННАЛ АЬКЪИДА

## Малаиктурал тлабиаьт

дайдихъу 3 лаж.

Чапурчув иклу, мусульманса бунагъкарнал иклу гъаттавуна цавай нигъ дагъансса, оьккисса гъайбатирттал суратрай бучайссар (Аллагънал рах баннав).

Диндалул мажлису ххал буллай заназисса буссар цавай малаиктал, цайми буссар инсантурал амаллу ссавруннайн гъаз буллай заназисса, гайми личи-личийсса кланттурдив ябуллаллисса бус-

сар, шагъурдив, шархъурдив, хлатталлай ливтлунал рувхлру дялахъан дуллаллисса буссар. Мизитиртгачла бавцусса буссар. Ссавруннай эбадатури хун машгъл хъусса буссар. Зунттурдив, нехру, авлахъру дургъусса, хъуру ядуллаллисса буссар. Гъарца уртгу-тлутун, ущу-шулгъилун, хлайвантжанавартран, хъхъиривусса балугъиртган цанма-цанмасса малаиктал буссар. Ляличийсса бигарду бивхъусса буссар. Масалдаран ца малаик уссар цува

ляхъан увния шинай шагъадат тий нанисса, лахъи дуккан дурну, дяличан къадурну. Му малаикнал цала тий айивхъусса шагъадат къуртал хъувкун ахир заманагу бучантиссар.

Цавай малаиктал буссар хъатирду дусса, цавай буссар дакъасса. Цавай рахлатралласса буссар, гайми аьзавралласса буссар. Рахлатрал малаиктурал члалачин хъинну ххуйсса дуссар, аьзав дулайминналласса нигъ дагъансса дуссар. Мий малаиктувран марцисса, ххуйсса,

хъинсса кланттурду ххирассар. Жула ялув бивтсса бухъурча, хасиятрал халимма, авкъума, нахлусса къанкъ дума, багъу-бизу, тлул-тлабиаьт марцима, эбадат тлайлану дувайма, адаб, инсаншиву дума ххирассар. Мукунмий гужну буруччайссар. Аллагъу Тааьла рязий уван хларачат буллаллима малаиктуврангу ххирассар. Хласил, мий малаиктал жунма хъунисса кумагчиталли, кабакълтри. Жува гъарца хъинмунийн тлайла бацан буваймийри.

Миналмур тлабиаьт журагу ласаву хъинссар. Мий кунма бунагъ къабувну, эбадатури лавгун, зикри буллаймасса даражалийн биян хъурча, му хъинну хъунмасса талихИри. Мунияту Аллагъу Тааьлагу рязийссар. Цумацагу миккун иян хларачатрай иклан аьркинссар. Кутлану укунсса дуссар малаиктуралмур тлабиаьт.

ГЪУНЧУКЪАТИРАЛ ИМАМ

КЪУШИХЪАЛ ШАГЪАБУТТИН





Магъар бишайни жува кИва инсан буцару барашинна дуван. Ца рутайсса чIумалгуририв бардулт чIарав бикIан аьркинсса?

Шариатрайн буну, ца рутайсса чIумал бардулт аьркин бакъассар. Мунияту бардулт бунугу, бакъанугу, ласнал, ягу мунал ихтияр дуллусса вакилнал учирча ца рутаврил махъру, ца рутаву хIисавссар.



ХIаммам ва хIажатхана цачIу бусса кIанай чаклин иссаву дуван бучIиссарив?

Мукунсса кIанай дурсса чаклин иссаву хIисавссар, амма микку дурну къахъинссар. Чаклин иссайни дуккайсса дуаьрттугу лахъну дуркуну къахъинсар.



Тун бавссар чак буллалисса кIанай ччитул чIарарду духъурча, микку бусса чак къахIисавссар тий. Му тIайлассарив?

Бивххун букан хIалалсса хIайвандалуя дагъсса чIара ягу къув бусса кIанай чак буван бучIиссар, чак хIисавссар. Букан къабучIисса жанавардания га сагъну бунува дагъсса чIарарду нажасну ккалли дувайссар, ми шамуннир ххишаласса духъурча. Шамуннир чансса духъурча, аьфву байссар (нажасран ккалли къадувайссар), так ккаччимми ва дунгъуралми личIаннин, миннулсса ца духъурчагу нажасну хIисав дувайсар.

Му бакъассагу, ми чIарарду чак бувайни ччанну, никру, кару, ненттабакI бишайсса кIанай дакъахъурча (инсаннал базурду ягу янна миннуйн лаллай дакъахъурча), микку бусса чакгу хIисавссар.



Бюхъайссарив инсаннан малаик ккаккан?

Дунияллийх ца ларгсса хъунасса аьлимчу Ибну ХIажардухъун му суал буллусса чIумал, ганал увкуну бур: «Инсаннан малаик ккаккан бюхъайссар, му тастикъ буллай бур чIявусса хIадисирттал», – куну. (Фатаваль-ХIадисия).



Инсаннай нааьна даврия Исламраву ци увкуну буссар?

Инсаннай, хIайвандалийн, ягу рухI дакъасса задрин нааьна даву жула диндалуви оь чулий ккаккан буну бур. «Нааьна» тIисса мукъул мяънагу хъанахъиссар «Аллагънал ﷻ цIимилуя, рахIмулия махIрум шаву, арх шаву». ХIадисраву увкуну бур: «Муъминчувнай нааьна даву му ивчIаву кунмассар». (аль-Бухари, Муслим).



Мизитрал сурат дусса чаклилулссаннуй чак буван бучIиссарив?

Мукунсса кIанай бусса чак хIисавссар, амма цаппара аьлимтурал тIимунин буну, мизитрал ягу Къаьба-лул сурат дусса чаклилулсса шяв дутаву къахъинссар тIар, мунир адав-хIурмат бикIан аьркиннутий. Ялагу увкуну бур, чакливу хIузур бугъан, Аллагъ дакIний итан дахчилачисса сурат ягу накъич дусса кIанайнир, му дакъасса кIанай чак буну хъинссар, тий.



БучIиссарив имамнал жамьатрал арцух циняв мусульманнал цIания къурбан биххан?

БучIиссар, мукун баву суннат-ссар. Имам Муслимлул сакин бусса хIадисирттал луттираву бусун бур Идавсил ﷺ къурбандалун яттил хIайвангу бивххун, укунсса дуаь дуршиву: «Бисмиллагъ. Я Аллагъ, къамул бува ва къурбан МухIаммадлуя, МухIаммадлул кулпатрая, МухIаммадлул умматрая». (Фикъгул-мангъажи)



ИвкIусса инсаннай бурж бивкIун бухъурча ци бан аьркинссар?

Дунияллия гъаннин лахъан къавхъуну ливчIисса бурж лахъан аьркинсар ганая махъ лирчIисса хъуслия, ягу бурж буллуманахъ хIалал бити учин аьркинссар. (МахIалли)



БучIиссарив хъамитай-палун цила бакIрайсса чIарарду кIучI дуван-шиврул карци къадуртун, парик лаххан?

КъабучIиссар, цанчирча, цила чIарардайн чил чIарарду дазлан ихтияр дакъанутий.



Инсаннава рухI дуклакисса чIумал гужсса мякъшиву дикIайссар, му чIумал ганачIан шяйтIан бучIайссар тIун бикIай, щинал истикангу бугъну, цийнма икрам буварча щин дулунна, тий. Мунияту ивкIлакIисса инсаннан щин дулуну хъинссар тIун бикIай. Буссарив мукун увкуну жула диндалуви?

ТIайлассар. Закария аль-Ансари тIисса аьлимчунал цалва луттираву чивчуну бур: «Инсаннал чурххава рухI дуккаву захIматсса иш бунутий, му чIумал инсан мякъ шайсар. МуначIан шяйтIан бучIайссар марцIсса щингу ларсун. Ганил учайссар: «На вила зал бушиврий барашинна дуварча, на вин щин дулунна», – куну. «Нигъаятуль-МухIтаж» тIисса луттираву увкуну бур: «РухI дуллалисса инсан мякъ хъусса куна чIалай акъахъурчагу, муначIан щин дулаву хъинссар. Му мякъ хъушиву чIалай бухъурча, чIаравминнал бурж-ри муначIан хIачIансса щин дулун».

ТIайлассар. Закария аль-Ансари тIисса аьлимчунал цалва луттираву чивчуну бур: «Инсаннал чурххава рухI дуккаву захIматсса иш бунутий, му чIумал инсан мякъ шайсар. МуначIан шяйтIан бучIайссар марцIсса щингу ларсун. Ганил учайссар: «На вила зал бушиврий барашинна дуварча, на вин щин дулунна», – куну. «Нигъаятуль-МухIтаж» тIисса луттираву увкуну бур: «РухI дуллалисса инсан мякъ хъусса куна чIалай акъахъурчагу, муначIан щин дулаву хъинссар. Му мякъ хъушиву чIалай бухъурча, чIаравминнал бурж-ри муначIан хIачIансса щин дулун».



Нава чаклин ивссуну уссарав, акъассарав дакIний бакъахъурча ци бан аьркинссар?

Инсаннан дакIний бухъурча цува чаклин ивссушиву, амма иссаву зия хъушиву дакIний бакъахъурча, ивссуну ушиврун ккалли дувайссар. Агана дакIний бухъурча,

чаклин иссаву зия хъушиву, амма дакIний бакъахъурча ганир махъ ялагу ивссушиву, му чIумал ивссуну акъашивруй хIукму бувайссар. (Иаьнату тIалибин)



Процент ялун щилачIисса шартIирай банкраву арцу дишин бучIиссарив?

Жунма кIулсса куццуй, диндалуви къадагъа дирхъуну дур процент ялув бивхъуну арцу буржлий дулун, мунийн

рибаъ учайссар. Банкраву дихълахъисса арцугу мивунна дагълагъиссар, мунияту му хIарамссар (Иаьнату тIалибин).

## Рузнама

### Май

Къини	КIюрххил чак	Баргъ букваву	Ахттайн чак	Ахттакъун чак	МаркIачIан чак	ХъатIан чак
1	02:54	04:44	11:51	15:44	18:54	20:24
2	02:52	04:43	11:51	15:44	18:55	20:25
4	02:48	04:40	11:50	15:45	18:57	20:27
6	02:44	04:37	11:50	15:46	19:00	20:30
8	02:40	04:35	11:50	15:47	19:02	20:32
10	02:36	04:32	11:50	15:47	19:04	20:34
12	02:33	04:30	11:50	15:48	19:06	20:36
14	02:29	04:28	11:50	15:49	19:08	20:38
16	02:26	04:26	11:50	15:49	19:11	20:41
18	02:22	04:24	11:50	15:50	19:13	20:43
20	02:19	04:22	11:50	15:51	19:15	20:45
22	02:16	04:20	11:50	15:51	19:17	20:47
24	02:13	04:19	11:50	15:52	19:19	20:49
26	02:10	04:17	11:51	15:53	19:20	20:50
28	02:07	04:16	11:51	15:53	19:22	20:52
30	02:05	04:15	11:51	15:54	19:24	20:54

Рекомендовано каноническим отделом Муфтията РД для г. Махачкалы

**ХХИРАССА БУККУЛТИ  
НАЙ ДУССАР 2016-КУ ШИНАЙССА "АС-САЛАМ"  
ККАЗИТРАЛ ПОДПИСКА.  
ККАЗИТ ЧИЧИН ХЪУНТИССАР ЧЧИМУР ПОЧТАЛИЙ  
ВА МУКУНМА ГЪАРЦА РАЙОННАЙССА ЖУЛ ВАКИЛТУРАЙХЧИИН.  
ККАЗИТ ЧИЧАВРИЛ ВА БИАН БАВРИЛ ХIАКЪИРАВУ  
ОБЪЧИН БЮХЪАНТИССАР ВАЙ НОМЕРДАЙН:  
8-928-250-36-66, 8-988-264-56-58**